

ՀԱՄԱՐԱԻՐԵՐ

ՀԱՍՏԱՐԱԿԱԿԱՆ ԳՐԱԿԱՆ ԵՒ ՔԱՂԱՔԱԿԱՆ ՕՐԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպեկ



Հոյս է ծնունդ կիրակի օրեր

10 կոպեկ

ԲԱՄԱՆՈՒԴԱԳԻՆՆԵՐ տարեկան 4 ռուբլի, կէս տարուան 3 ռուբլի.
Արտասահման տարեկան 5 ռ., կէս տարուան 3 ռ.

ԽՄԲԱԳՐՈՒԹԻՒՆԸ՝ Թիֆլիս, Արասաբաճեան Կրպար. № 7.
Հնամաս 29.

Գրասի հասցեն.— Тифлисъ, „Амбасадеръ“, Tiflis, Rédaction du journal „Hambavaber“.

ՅԱՅՏԱՐԱՐՈՒԹԻՒՆՆԵՐ՝ տողին 10 կոպեկ.

Մճարութիւնը բաց է առաւօտեան ժամի 10—2, բացի կիրակի և տօն օրերից
Տպագրութիւնը ուղարկուած ձեռագրերը կարող են ենթարկուել փոփոխման և
կրճատման:

Տպարութեան համար անյարմար ճանաչուած մեծ յօդուածները պահուած են
վեց ամիս խմբագրատանը, իսկ փոքրերն անմիջապէս քննադատուած:

Տպարութեան համար անյարմար թղթակցութեանց և յօդուածների առթիւ
խմբագրութիւնն պարտաւոր չի համարում գրաւոր բացատրութիւններ տալ:

ԲՈՎԱՆԴԱԿՈՒԹԻՒՆ

ԽՄԲԱԳՐԱԿԱՆ.—Քաղաքային նոր բնտրութիւնների առթիւ, Ս.
Եարովիմենեանի.— Երաշխիք չէ, Լէօյի.— Կովկասի Հայոց Բա-
րեգործական Ընկերութեան տարեկան ընդհ. ժողովը.— Հայանը-
պաստ շարժում Անգլիայում.— Գեղ.Ա.ՐՈՒՆԻՍ.— Բանաստեղծ.
Անուրջի.— ԱՐՏԱՔԻՆ ՏԵՍՈՒԹԻՒՆ.— British Armenia կոմիտէն
և ռուսական յեղափոխութիւնը, Արշակ Սաֆրաստեանի.— Պարս-

կաստան, Ազատ Վշտունի.— Տաճկահայաստանի կոմիտարիատ.—
ՄԱՏԵՆԱԽՕՍՈՒԹԻՒՆ.— Քուչակ նաւապետի մասին, Հայկ Աճէմ-
եանի.— ԳԱԽԱՌ.— Դեւտաշէն, Ելենովկա.— ՏԱՐԵԳՐ Կ. Հ. Բ.
ԸՆԿ., (Կենտրոնական Խորհուրդ, Հ. Կ. Կոմիտէ և Պարենաւոր-
ման բաժանմունք).— ՔՐՈՒԿՈՆ.— ՀԱՄԱՇ. ՊԱՏԵՐԱԶՄԸ.—
ՆԱՄԱԿ ԽՄԲԱԳՐՈՒԹԵԱՆ.— ՏԵՂԵԿԱՏՈՒ.

ՔԱՂ. ՆՈՐ ԸՆՏՐՈՒԹԻՒՆՆԵՐԻ ԱՌԹԻՒ

Յեղափոխութեան ոյժով նուաճուած ազատութիւնը
նոր իրաւակարգի հիմնաքարն է:

Ժողովրդապետական սկզբունքներով է պսակուած
այդ իրաւակարգը. նրա առաջ չէգործնում են հին ուժի-
մի ստեղծած գասակորգային և այլ տեսակ բաժանմունք-
ներ և արտօնութիւններ:

Քաղաքացի կոչուած համահաւասար իրաւունքներ
է տալիս բոլորին՝ անկախ նրանց դիրքին, սեռին ու դա-
սակարգին:

Այժմ մնում է, որ ամեն մի քաղաքացի պարզ կեր-
պով հասկանայ իւր իրաւունքները և օգտուի այդ իրա-
ւունքներից:

Չը նայած պետութեան ծանր գրութեան՝ մի կողմից
կոխ գրաւ թշնամիների հետ, միւս կողմից ներքին խառ-
նաշփոթութեան, այնուամենայնիւ ստեղծագործական
կեանքն առաջ է ընթանում: Կեանքի մէջ ձեւաւորուած են
նոր կարգեր, հասարակական ու պետական հաստատու-
թիւնները վերաստեղծուած և վերակազմուած են նոր հի-
մունքների վրայ՝ բոլոր ժամանակի ոգու և պահանջների:

Այժմ՝ առաջին հերթին գրուած է քաղաքային ինք-
նավարութիւնների վերափոխումն ու նոր իրաւասունների ընտ-
րութեամբ:

Կովկասի քաղաքներում այդ նպատակով սկսուել են
նախապատրաստական աշխատանքներ և կատարուած են ա-
ռանձին արագութեամբ:

Առանձին հետաքրքրութիւն և եռանդ նկատուած է
Թիֆլիսի ազգաբնակչութեան մէջ:

Հրատարակուած ընտրական օրէնքը լայն դռներ է
բանում ընտրողների առաջ: Ընտրութեան մասնակցելու
համար այլևս չկան առաջուայ սահմանափակումները՝ կախ-
ուած ընտրողի ծագումից, նիւթական կարողութիւնից և
զանազան այլ հանգամանքներից. ամեն մի քաղաքացի՝ լի-
նի նա ունենոր թէ՛ չունենոր, լինի նա ազնուական թէ՛ հա-
սարակ մշակ, լինի նա այր-մարդ թէ՛ կին, լիակատար ի-
րաւունք ունի ընտրելու և ընտրուելու:

Նոր օրէնքը միայն երեք պահանջ է դնում, մէկը՝ որ
ընտրութեան մասնակցողը լինի ոչ պակաս 20 տարեկան
հասակից, երկրորդ՝ որ ընտրական շրջանում ունենայ բը-
նակաւայր, իսկ թէ որքան ժամանակ է, որ ունի բնա-
կաւայր—այդ նշանակութիւն չունի, և երրորդ՝ որ նա

գրկուած չը լինի դատարանի վճռով որոշ իրաւունքներէց:

Նոր օրէնքը նախատեսել է ընտրողների փոքրամասնութեան իրաւունքների ապահովութիւնը և այդ նպատակով մտցուած է համեմատական ընտրութեան եղանակը, ինչպէս այդ վաղուց գործադրուած է Ներսիս Բելզիայում և ուրիշ տեղերում:

Շնորհիւ ընտրութեան այդ եղանակի՝ ամեն մի կուսակցութիւն, ամեն մի ազգ, ամեն մի խմբակցութիւն հնարաւորութիւն ունի ըստ իւր ընտրողների թւի ներկայացուցիչներ անցկացնել:

Անհատական մասնակցութիւնը նոր օրէնքով կորցնում է իւր նշանակութիւնը. ընտրութեանը մասնակցելու համար պէտք է յարել այս կամ այն կազմակերպուած խմբակցութեան—լինի դա կուսակցական, անկուսակցական, թէ ազգային—միևնոյն է:

Քաղաքային ընտրութիւնները Թիֆլիսում կատարուելու են առաջիկայ յուլիսի 15-ին: Ժամանակ շատ չէ մնացել:

Այս ընտրութիւնները առաջին փորձն է ազատութեան օրերին, երբ մեր ժողովուրդը պէտք է ցոյց տայ իւր քաղաքական հասունութիւնը:

Անհրաժեշտ է, որ ամեն մի քաղաքացի լաւ ըմբռնի ընտրութիւնների նշանակութիւնը. լաւ գիտակցի, որ կէս միլիոնից աւելի քաղաքի ազգաբնակչութեան կեանքի համար քաղաքային ինքնավարութիւնը կեանքի գործօն է, նրա ձեռքում է քաղաքի ներքին կեանքի ղեկը: Աններելի կը լինի անտարբեր մնալ այս ընտրութիւններին: Պէտք է կազմակերպուել և կազմակերպուած մասնակցութիւն ունենալ:

Թող ամեն մի քաղաքացի չը զլանայ կատարել իւր քաղաքացիական պարտականութիւնը դրական մասնակցութեամբ առաջիկայ ընտրութիւններին:

Ս. ՅԱՐՈՒԹԻՆԵԱՆՏ

ԵՐԱՇԽԻՔ ՉԷ

Հայի կեանքը հազար ու հազար տարիների պատմութեամբ հաստատուել է թէ հայի զրութիւնը այլ է, թէ նրա ճակատագիրը բացառիկներից է: Ուրիշ եզրակացութեան յանգել չես կարողանում, երբ տեսնում ես սկզբից մինչև վերջ, Դարեւ Վշտասպետի դարից մինչև այսօրուայ օրը, միալար, յարատե մի մտքի, մի հոգսի, մի ահաւոր վախի սոսկալի ճնշումը այդ ազգի վրայ—ինչպէս գոյութիւն պահպանել, ինչ անել ապրելու համար: Լոկ մի հանգիստ անկիւն՝ աշխատանքի տակ լաւ և շատ քրտնելու համար: Լոկ մի տուն, ուր դու քո զխի տէրն ես:

Այս էր որոնում հայը հազար ու հազար տարիներ: Այս է նրա որոնածը և այսօր:

Բացառիկ է, այո, այո, եթէ կարելի է ասել, շրջապատը: Զարմանալի Բայց այն կտոր երկրի տակ, ուր հայի վիճակն է գտնուած նրա պատմական հողին, այլ ևս դարձանալու ոչ մի բան չէ մնացել:

Գերութեան, արեան հեղեղների մեծ մեծ դարաշրջաններ ունեցաւ նա իր կեանքի մէջ և սովորեց հասկանալ որ ուրիշ կերպ չէր կարող լինել, որ Հայաստանի հողը ամենահին ժամանակներից կոխկոտուած էին աշխարհի ամենադաժան բռնակալները: Սամասարներ, Սարգոններ, Ջինկիդ-խաններ, Լէնկթիմուրներ, Շահ-Աբասներ էին գալիս, արեախումներ, ազգեր ջնջողներ: Ինչ չը պիտի անէին նրանք: Ձը կոտորել, ջարել, ջամայացնել: Զարմանալի կը լինէր, անկարելի կը լինէր:

Նւ ժողովուրդը, խելամուտ այդ իրողութեան, խաւարի, ջնջման դարեր էր անցկացնում, յոյսը գնելով այն ակնկալութեան վրայ թէ կը գան ժամանակներ, բռնակալութեան փոխարէն ազատ մարդկութիւնը կը հաստատուի, որ և իրան էլ կը տայ հնարաւորութիւն ապրելու իր համար:

Բայց տեսէք այդ ազգի ճակատագիրը: Լէնկթիմուրի, Սէլիմ Արեախումի անիծելի բռնակալութեան տեղ Պարիզի ռալայաւակները մաշեցրած ժէճ-թիւրքերը հաստատուեցին, ազատութեան պարեր պարեցին մոլեղնաբար, բայց դեռ այդ պարերի մէջ, դեռ չը յոգնած, Ազանա պարզեցին հայերին, որ ուրիշ խօսքերով նշանակում է 25000 հայ հայրերի, հայ մայրերի, հայ երեխաների դիակներ:

Կարծում էինք թէ մոնղոլականութիւնը վերջնականապէս անյայտացել է Վոլտէրի և Ռուսսոյի շունչի տակ: Կարծեցինք թէ միջին ասիական Էրնաուրց զազանի ժանիքները թափել են նրա ճակատին խորանուած Վիտթիւն և Առաջադիմութիւն մարդկայնական խօսքերը: Նւ ահա Հայաստանը բնաջինջ է դառնում և ա սօր հայ ժողովրդի խղճուկ թացորդները հալումալ են լինում Միջագետքում:

Ազատութիւն էր եկել Թիւրքիայի վրայ: Բայց թնշ տուեց մեզ այդ ազատութիւնը: Սոսկալի է մտաբերելն անգամ:

Մեր խղճուկ պատմութիւնն աւանդում է թէ Ալի-Ասլանը Անիի դռների առջև փոս փորել տուեց, այդ փոսի վրայ այնքան հայ մանուկներ մորթիլ տուեց, որ նրանց արիւնը փոսի մէջ լընացաւ, աւազան կազմեց: Ու Ասլանը մտաւ նրա մէջ լողացաւ: Քառմեկի է անշուշտ այս վայրենիւ: Բայց նրա արնային լողաբանք մի բոլորովին անմեղ բան դարձրին, 1915 թուին, Պարիզի օսլացած շապիկներ հագած, եւրոպական համալսարաններ յաճախած ժէճ-թիւրքերը: Ինքն Ալի Ասլանը Անիի գոնների տոջ, մարդկային արեան զաղրելի տիղմի մէջ խողի բռնակալութեամբ թաղուած պահուն անգամ, կը տոկար, եթէ տեսնէր XX դարին հասած իր գաւազներին:

Այսպէս, ուրեմն, ազատութիւնն էլ երաշխիք չէ եղել հայի համար:

Ազատութիւնն անգամ... Այս աստիճան տարօրինակ—բացառիկ, ուղղակի անմարդկային է հայի ճակատագիրը:

Նւ ահա այսօր՝ մի ուրիշ երեւոյթ: Երջա ունէինք թէ ներկայ պատերազմի պատճառած մորմօրը վերջինը կը լինի մեր հայ ազգութեան սրտի մէջ, որ Թիւրքաց Հայաստանի հողը ազատուած կը լինի Օսմանեան տիրապետութիւնից, որ 500 տարուայ ընթացքում ցոյց է տուել թէ գիտէ միայն մորթել: Մեծ ազատ երկիրները—Անգլիա, Ֆրանսիա, վերջերս նաեւ Ամերիկա պատերազմական նշանաբան դարձրին բոլոր ճնշուած մանր ազգերի ազատութիւնը: Ազատուողների մէջ պիտի լինի, վերջապէս, և հայ ժողովուրդը—այսպէս էր պարզ ու բացարձակ յայտարարութիւնը: Արիւնշաղախ երկիրը այլ ևս չի մտնի թիւրքական տիրապետութեան տակ: Այս մի այնպիսի երանական վիճակ էր, որ մենք պատրաստ էինք նոյն իսկ քար սեղմել մեր սրտին և մոռացութեան տալ մեր անհաշիւ, անտեսելի և աննկատագրելի կորուստները:

Յարական մուսաստանն էր միայն, որ չէր կարողանում թաղցնել իր ախորժակը մեր երկրի վերաբերմամբ: Բայց ահա նա էլ չքացաւ: Բախտ բողոքեց ոչ միայն մուսաստանի համար: Յեղափոխական մուսաստանը, ի հարկէ, պիտի ամեն կողմով աշակցէր որ իրագործուի ազգերի ազատութիւնը: Այդ բախտն էր և թիւրքաց Հայաստանի համար: Եւ մենք հրճուանքով տեսնում էինք որ վերացել է վերջին արգելադիրը թիւրքաց Հայաստանի ազատութեան ճանապարհից: Բայց ահա ազատ մուսաստանը հրապարակ նետեց «հաշտութիւն» առանց կցումների և տուգանքների: Ու նորից սարուափ է պատում մեզ: Միթէ, հարցնում ենք, ազատութիւնն այս անգամ էլ պիտի գայ փակելու մեր դժոխքից դուրս տանող ճանապարհը: Միթէ այս անգամ էլ ազատութիւնը պիտի ջնջէ մի մարտիրոս ժողովրդի հանգստութեան երաշխիքը:

Այսպէս է երևում հէնց առաջին հայեացքից:

Սկզբունքի դէմ չէ որ պիտի խօսենք: Երբ մեզ ասում են թէ ազգերը չը պիտի զրկանքներ կրեն, թէ նրանց ստացուածքները չը պիտի յափշտակուեն, մենք ակամայ, յուսահատօրէն բացականչում ենք. «Իսկ թիւրքը»:

Հայաստանը, որ այժմ գրաւուած է ռուսական զօրքերով, պիտի վերադարձուի նրա սեփական տիրոջը—Թիւրքիային: Ահա ինչ կարող է ստեղծուել ռուսական մեծ յեղափոխութիւնից այն ժողովրդի համար, որ անթիւ դարեր սպասում է թէ Թրք իրան մի կտոր արև, մի օդաւէտ անկիւն կը տան, որպէս զի նա կարողանայ իր զարաւոր վէրքերը բռնկել:

Հիմա Էլ չասել թէ այդ ժողովրդի հակառակորդը իսկապէս բացառիկ է...

Անգլիայում դեռ երկու տարի առաջ հաշոււմ էին թէ ներկայ պատերազմի մի տարում թիւրքերը ոչնչացրել են մօտ մի միլիոն հայ: Եւ այսքան զոհերից յետոյ է որ մեր մանրուած մի քանի փշրանքները յորից պէտք է վերցնել և առլ մեր դանիմներին...

Մարդկային խիղճը վրդովուած ծաղանում է այսպիսի մի հնարաւորութեան դէմ: Միթէ, մտածում ես, Հայաստանի դաւաճը պիտի սովորէ Արգիւլ-Համիդների, Մէհեմեդիանների, Էնվերների և Թալէաթիների անուանների հետ անիծել և մեծ ու կարմիր ազատութիւնը...

Սոսկալի կը լինի: Աշխարհն իր հիմնարկութեան օրից տեսած չի լինի այսպիսի մի դժբախտութիւն: Լայնասիրտ ազատութիւնը եղբայրացած բորենական հաւատամքի հետ: Մարդկութիւնը իր յուշագրերի մէջ որոնումներ կանէ և կը տեսնէ որ երբեք սեփականութեան իրաւունքը այսքան զարհուրելի կերպով չէ պաշտպանուել: Օսմանցիին զէնքի իրաւունքով սեփականատէր է դարձել և դարերի ընթացքում արիւն և լեզի էր խմեցնում իր սեփականացրած զոհերին: Բազմաթիւ ազգեր ազատուեցին կարմիր սուլթանների լուծից և այդ ազատութիւնը մարդկութեան համար նուիրական դարձաւ, օրհնուեց միլիոնների բերանով: Այսօր հայի վրայ է որ արիւնոտ սեփականութեան իրաւունք պիտի պաշտպանուի: Եւ պաշտպանողն ո՞վ է—Մարքսը:

Անհաւատալի է: Բոլորովին անհաւատալի:

Կայ, սակայն, մի առարկութիւն այս ողբալի եղբակացութեան դէմ: «Առանց կցման և տուգանքի» նշանաբանին ռուս յեղափոխական ռամկավարութիւնը միշտ աւելացնում է՝ «ազգերի ինքնորոշման իրաւունքով», այսինքն թէ իւրաքանչիւր ազգ ինքը պիտի որոշէ թէ ինչ է ուզում լինել ինքը և ինչպէս է ուզում:

Այս մի վեհ ու արդար սկզբունք է, որ, տարաբախտաբար,

մինչև այսօր մնացել է լուր թէորիա, թղթի վրայ միայն գոյութիւն ունեցող մի իդէալական բաղձանք: Կիրականանայ նա այժմ, այս համաշխարհային պատերազմի հետեւիքով: Եթէ իրականանայ, համաշխարհային պատմութիւնը պիտի արմատապէս կերպարանափոխուի: Մեծ պետութիւնները պիտի փոքրանան: Յարութիւն պիտի առնեն հարիւրաւոր նոր ազգութիւններ: Եւ այս համաժողովրդային խնջոյքի մէջ հայերն էլ, ի հարկէ, իրանց պատառիկը կը ստանան:

Բայց չոգնորուենք այսպիսի ուտոպիայով, որ զուցէ դեռ շատ հեռաւոր է իբրեւ ապագայ: Այսօր բոլոր ազգութիւնների հարցը չէ դրուած, այլ միայն մի քանիսն են, որոնք ջարդուել են ներկայ պատերազմից—Բելգիա, Սերբիա, Չեռնոգորիա, Բուսանիա: Հայաստանի անունը ռուսական ռամկավարութիւնը բացարձակապէս չէ դրել և չէ դնում իր յայտարարութիւնների ու բացատրութիւնների մէջ: Այսպէս է և գերմանական օոցիալիստների վերջին յայտարարութիւնը:

Ահա ինչ սոսկալի վտանգ կայ կախում մեր գոյութեան վրայ: Կարելի է, շատ ու շատ կարելի է որ մեզ կը մոռանան. կարող են մեզ մեր արիւնոտ սեփականատիրոջը վերադարձնել...

Եւ ահա հէնց այսպիսի մի ժամանակ, երբ զուցէ ընդմիշտ որոշուած է մեր լինել չլինելը, երբ մեր զազան թշնամին մեծամեծ յոյսեր է ունենում թէ իրան չի դալչի ազատութիւնը, թէ ալ ազատութեան ձեռքով նորից կը տիրանայ հայութեան վերջին փշրանքներին,—այսպիսի մի ճգնաժամին է որ մենք բաժանուել ենք «արեւմտահայ» և «արեւելահայ» հակոսեանների և կըրծում ենք իրար մի եռանդով, որ արժանի էր մի աւելի լաւ գործադրութեան:

ՀԷՕ

Կ. Զ. Բ. ԸՆԿԵՐՈՒԹԵԱՆ ՏԱՐԵԿԱՆ ԸՆԴՀԱՆՈՒՄԸ*)

Ընկերութեան Խորհրդի նախագահ պ. Ս. Յարութիւնեանը տուեց Ընկերութեան կից գործող Հ. Կ. Կոմիտէի գործունէութեան հաշուետւութիւնը:

Հ. Կ. Կոմիտէն հրատարակել է արդէն մի մանրամասն տեղեկագիր սկսեալ 1915 թ. օգոստոսից մինչև 1917 թ. յունուար 1-ը, որ պարունակում է իւր մէջ Կոմիտէի և Պարենաւորման Բաժանմունքի գործունէութեան, դպրոցների, որբանոցների, արհեստանոցների և փախստականների վիճակագրութեան հաշուետւութիւնը:

Փախստականների ընդհանուր թիւը, համաձայն 14 յունուարի 1916 թ. վիճակագրութեան, ցոյց է տալիս հետեւեալը՝ 267-000 հոգի ցուցակագրուած, իսկ ցուցակի մէջ չընկածների հետ միասին 300,000 հոգի:

Փախստականներից 39,562 հոգի երկրագործ են, 2,927-ը վաճառական, 2,601-ը արհեստաւոր, 287-ը մտաւորական: 1914 թուից յետոյ իրար յաջորդող չորս նահանջի ընթացքում փախստականներից վնասուած են մօտ 70,000 անձ:

Հ. Կ. Կոմիտէն իւր հովանաւորութեան ներքոյ այժմ ունի 147 դպրոց՝ 230 բաժանմունքներով, 11,130 աշակերտ և 255 ուսուցիչ: Որբանոցների թիւը հասնում է 52-ի՝ 4,363 երեխայով:

Կոմիտէն բացել է արհեստանոցներ, ընդհանրել 15 արհեստանոց: Թի քանի տեղերում երկրագործութեան համար հոգեք կան վարձուած:

Պարենաւորման բաժանմունքը մինչև 1-ն յունուարի 1917 թ.

*) Տե՛ս «Համբարտեք» № 21

ունէր 1,400,000 ու, որից 200,000-ը գործադրուած է ընդհանուր-
քի (տրանսպորտ), նրանց պահպանութեան, կանոնաւորման և զա-
նազան իրերի. համար 1917 թուից յետոյ գրաժադելու ըրաճեա-
ցաւ 2,000,000 ու. գումարի:

Տեղեկագրին կից հրատարակուած է գաղթականների տեղա-
ւորուած վայրերի և Կոմիտէի գործունէութեան շրջանների քար-
տէսները:

Կառավարութեան տրամադրած 15 ու. խրաքանչիւր որբի
ամսական ծախսերի համար չի բաւականանում, այդ պումարը
խիստ քիչ է, այդ պատճառով Կոմիտէն ստիպուած է եղել զանա-
զան նուիրատուութիւններից և աղքատներից հոգալ ծախսերը.
իսկ եթէ եղել են պակասաւոր կողմեր որբանոցներում, պարենա-
ւորման գործերում և այլն, այդ բոլորը առաջ է եկել նպաստի
խիստ նուազ լինելուց:

Ներկայ կառավարութիւնը փախստականական գործերի ընդ-
ղեկավարութիւնը յանձնել է 23 անդամից բաղկացած մի մարմ-
նի, որն արդէն չորս ազգութիւնների մէկական ներկայացուցիչ-
ներից (հայերի կողմից Ս. Յարութիւնեան) մի Գործադիր Կոմի-
տէ է կազմել, որը պիտի ղեկավարի Կովկասեան ճակատի գաղ-
թականութեան բոլոր գործերը:

Ապա ղեկուցանող պ. Ս. Յարութիւնեանը առաջարկեց ընդ-
հանուր ժողովին ամառուայ ամիսների ընթացքում գումարել Կ.
Հ. Բ. Ընկերութեան բոլոր ճիւղերի ներկայացուցիչների համա-
գումարը:

Համագումարը մեծ արդիւնք և նշանակութիւն կարող է ու-
նենալ Ընկերութեան կանոնադրութեան վերակազմութեան գոր-
ծունէութեան ընթացքի վրայ: Ռուսաստանի ներկայ յեղափոխու-
թիւնը ժողովրդական բոլոր հիմնարկութիւնների առաջ նորանոր
ճանապարհներ և ազատ հորիզոններ բացաւ: Այդ ազատութիւնից
օգտուելու համար հասարակական հաստատութիւնները շտապում
են ընդլայնելու և նոր կարգերին համապատասխան դարձնելու ի-
րենց գործունէութիւնը:

Կ. Հ. Բ. Ընկերութեան համար էլ այդ տեսակէտից համա-
գումարն անհրաժեշտ է:

Ներկայ պայմաններում հայ գիւղացութիւնն և գաւառը ու-
նեն իրենց կարիքներն ու պահանջները, որոնց բաւարարումն
անհրաժեշտ ու կարեւոր է. այդ պահանջներին ու կարիքներին
ծանօթանալուն մեծապէս պիտի նպաստի համագումարը:

Հոգի. ժողովը միաձայնութեամբ համաձայնուեց համագու-
մարը գումարելու ձեռնարկին, որի կազմակերպման լիազօրու-
թիւնը յանձնեց Խորհրդին, իբրեւ ծախք տրամադրելով 2,500—
3,000 ու.:

Ապա ժողովը զբաղուեց հերթով զուրս գնացող Խորհրդի
անդամների պ. Ս. Յարութիւնեանի, իշխ. Մ. Թումանեանի, տիկ.
Հ. Ասատեանի, Յ. Շահնազարեանի և կամաւոր կերպով հեռա-
ցող Գ. Տէր-Պետրոսեանի ընտրութեամբ:

Միաձայնութեամբ վերոյիշեալ չորս անդամները վերընտը-
րուեցին, իսկ Գ. Տէր-Պետրոսեանի փոխարէն Խորհրդի անդամ
ընտրուց Յ. Մալխասեանը, իսկ Շիրինեանը համարուեց կանդի-
դատ:

Վերստուգիչ յանձնաժողովի անդամները մնացին նոյն ան-
ձինք:

Այսուհետեւ ընդհանուր ժողովի նախագահը նիստը յայտա-
բարեց փակուած:

ՀԱՅԱՆՊԱՍՏ ՇԱՐԺՈՒՄ ԱՆԳԼԻԱՅՈՒՄ

Մենք Բրիտանիոյ Մանչեստրը քաղաքում ուժեղ ծաւալ է
ստացել հայանպաստ շարժումը: Շնորհիւ հայազգի գործիչ պ.
Ա. Մանաշեանի այնտեղ կազմուած է մի կենտրոնական մար-
մին՝ բաղկացած բրիտանացի անուանի գործիչներից, որոնք մեծ
խանգավառութեամբ դրամ են հանգանակում հայ որբերի օգ-
տին: Կոմիտէի անդամներն են՝ Մանչեստրի քաղաքագլուխը
(նախագահ), Վիկտոր Բրայս (պատ. նախագահ), Մալֆորդի քա-
ղաքագլուխ (փոխ-նախագահ), Յորրըս Ադամ, Ժ. Ռ. Բալթոու,
Ժ. Ա. Բրայս, Քէօդօր Կրիւտտոն, գնդապետ Գրիգորի, Չոն Նօլ,
Վիլիամ Մատեր, Նիտամ, Թովմաս Թորնհիլլ Ջաօն, Եպիսկոպ.
Վիլյոն, Մարգարիտ Աշտոն, Չարլս Բիւրնես, Էդուարտ Դոններ,
Բրոդուուստ, Հարվէյ, Էդուարտ Հոլտ, Հէնրի Միքս, Ջոն Ռանդոլ,
Յրիդրիկ Լ. Սմիթ, Վիլիամ Ստեֆենս, քարտուղար՝ Դանիէլ
Մակ Կէյթ, օգն. քարտ.՝ Ջորջ Արմսդորնզ, զանապախ՝ Ջոն
Մուդի, պատ. քարտ. Ա. Մանաշեան:

Հայանպաստ այդ շարժման մեծապէս նպաստում է նաեւ
«Manchester Guardian» թերթը, որի խմբագիրը լաւագոյն զգա-
ցուններով առգործուած է դէպի հայ բազմաշարժար ժողովուրդը:
Հայ որբերի խղճալի վիճակի և մեր ժողովրդի ապագայ քարե-
կեցութեան մասին յաճախ յօդուածներ տպուած են այնտեղ, ո-
րոնք ամենաանկեղծ ոգիով կոչ են անում բրիտանացիներին՝ օգ-
նութեան փութալ:

Այդ յօդուածներն երբեմն մեծ ազդեցութիւն են գործում և
նպաստում կոմիտէի գործունէութեան: Ինչ խօսք որ Անգլիայում
մամուլի կարծիքը խոշոր և վճռական նշանակութիւն ունի և
գրեթէ թերթերն են կառավարում երկրի հասարակական կար-
ծիքը:

Դժբաղդաբար Մանչեստրի հայութեան հարուստ դասա-
կարգը ընդհանրապէս անհետաքրքիր վերաբերմունք ունի դէպի
հայկական կեանքը. այդ պախարակելի անտարբերութեան մէջ
ողջունելի ու ծափահարելի են պ. Մանաշեանի թափած ջանքերը:

Գ Ե Ղ Ե Ր Ո Ւ Ե Ս Ո

Ն. ԹՈՐՈՒՄԵԱՆԻՆ

Գնում եմ վեր, երկնի ուղին,
Սոնարհ օրհնում ինձ տանջողին...

Որպէս առուն հեղ ճաճանշում
Ոսկեմրմունջ երգս եմ հնչում...

Հոգիս նուրբ է ծաղկի նման,
Որպէս անուշ ցօղը աշնան...

Նա դարձել եմ սիւք, երազանք,
Համակ թախիժ, համակ քնքշանք...

Նւ գնում եմ երկնի ուղին,
Նրդում, օրհնում ինձ տանջողին:

BRITISH ARMENIA ԿՈՄԻՏԵՆ

ԵՒ ՌՈՒՍԱԿԱՆ ՅԵՂԱՓՈԽՈՒԹԻՒՆԸ

Ռուսական յեղափոխութիւնը, զուցէ մեծագոյնը տիեզերքի պատմութեան մէջ և զուցէ կարեւորագոյնը մարդկային ցեղի հաւատազրի և ազգերի ազատութեան տեսակէտից, հոս ազատական շրջանների մէջ յարուցել է մեծ խանդավառութիւն և լուսեղէն յոյսեր։ Ազատ Ռուսաստանի առժամեայ կառավարութեան հռչակած քաղաքացիական ազատութիւնների հրովարտակը, ֆիններին, լեհերին և հրէաներին խոստացուած ազատութիւնները՝ ազգութիւնների յարութեան պատմութեան մէջ կը բանան մի նոր դարաշրջան։ Գէթ Անգլիայում ցարդ երևացել է միմիայն մի յայտարարութիւն արդարադատութեան նախարար պ. Կերենսկիի կողմից՝ Տաճկահայաստանի վերաբերմամբ։ Մի տեսակցութիւն տալով Տէյլի Զրոնիքի-ի Պետրոգրադի թղթակցին, նախարարը նախ փաստարանում է Գոլսի և նեղուցների միջազգայնացումը և Տաճկահայաստանի ինքնավարութիւնը՝ Ռուսաստանի թեւակութեան տակ։ Եւ սոցիալիստ նախարարը, թուում է, ինքնավարութիւն առաջարկում է Տաճկահայաստանին ոչ թէ էութեամբ իբրեւ մի բարիք կամ այդ երկրի իրաւունք, այլ Գովկասում մեղմացնելու ցեղային պայքարը և կովկասահայերի ու շաղրութիւնը այլուր դարձնելու նպատակով։ Գուցէ առժամեայ կառավարութիւնը հաւաքական պատասխանատուութեամբ յայտարարէ նաեւ ազատ Ռուսաստանի վերաբերմունքը և դիտաւորութիւնները դէպի նախատակուած Տաճկահայաստանը՝ նպատակների և շարժառիթների այն վերագութեամբ, որով յամենատարբար աւելի ներշնչուած էին ֆինլանդիային և Լեհաստանին ուղղուած յայտարարութիւնները։

Մեր Անգլիացի բարեկամները ոգևորուած են այն հեռանկարով, որով ազատ Ռուսաստանը անհրաժեշտապէս պիտի լուծէ Տաճկահայաստանի հարցը արդար և խղճամիտ անվերապահութեամբ։

Այսօր համայնքների պալատում Բրիթիշ Արմէնիա կոմիտէն գումարեց մի նիստ նկատի առնելու ստեղծուած Նոր դրութիւնը։ Այս կոմիտէն կազմուած 1913-ին, կը բաղկանայ Հայաստանի բարեկամ յայտնի Անգլիացի քաղաքացիներէ, պառաժաւորներէ, պրոֆէսորներէ, զրոգներէ և հոգևորականներէ։ Նրա գործը ունի գուտ քաղաքական բնաւորութիւն։ Եւ ոչ մի յարաբերութիւն չունի նպաստի հարցին հետ։ Նախագահութեամբ պ. Անիւրին Ուիլիմսի, ժողովը նկատի առաւ Հայաստանի և Հայերի կենսական շահերի հետ առնչութիւն ունեցող մի շարք հարցեր։ Նիստին ներկայ էր լորդ Բրայս, զանազան պարլամենթականներ և մի քանի հայ անդամներ։

Անգլիական բանակի կողմից Բաղդադի գրաւման լուրը ստացուելուն պէս, դիմեցի մեր ակնաւոր բարեկամներին միջոցներ ձեռք առնել Միջագետքի զանազան մասերում տարազրուած մեր դժբախտ հայրենակիցների փրկութեան և պաշտպանութեան համար։ Գ. Ուիլիմս ժողովին յայտնեց այդ նպատակով ձեռք առնուած բոլոր նարաւոր միջոցները և առնուելիք քայլերը...

Ռուսական յեղափոխութեան հայկական հարցի լուծման վրայ ունենալիք հաւանականութիւնները տարակայ հղան բազմակողմանի քննութեան։ Որոշուեց հետևել հետադիւրը (նախագահ Ուիլիմսի ստորագրութեամբ) ուղարկել ամենայն հայոց վեհ. Կաթողիկոսին, պ. Միլիկովին, պ. Պապաշանեանին, սուսանայ և ուրիշ մամուլին։

Բրիտանա-Հայկական կոմիտէն սրտագինս շնորհաւորում է ձեզ վասն ազատ Ռուսաստանի առժամեայ կառավարութեան քաղաքական յայտարարութեան ի նպաստ բոլոր ազգերի համահաւասար իրաւունքներին, ազգութեան և հայկական ինքնավարութեան սկզբունքներին, և ուժեղապէս թախանձում է կեդրոնացնել բոլոր ջանքերը, պատերազմի յաջող վերջաւորման վրայ, որ կը նշանակէ յաղթանակը ազատութեան և ազգութեան սկզբունքներին։ Ազատութեան բրիտանացի սիրողները ջերմապէս ողջունում են Ռուսաստանը ի շարս ազատ ազգերի ընկերակցութեան։

Հոս անհնար է չշնչել մի հաւանք որ նկատի առնուեցաւ ժողովում։ Պետրոգրադի անգլիական թղթակիցները մի քանի առիթներով յիշել են Ռուսական յեղափոխութեան հանդէպ հայերի սրուն խաղաղապաշտութիւնը և ոգևորութիւնը, իսկ կովկասեան միւս տարրերի չափաւոր և զգուշաւոր ընթացքը։ Տէյլի Թէլէկրաֆի-ի թղթակիցը հաղորդում է որ հայ սոցիալիստ կուսակցութիւնը անցկացրել է մի որոշում Ռուսաստանում յառաջացնելու սոցիալիստական հասարակապետութիւն։

Առանց մի բոլոր ստանձնելու խորհրդատուի գեր, այդ սոցիալիստներին պէտք է յիշեցնել որ չափազանց խանդավառութիւնը միշտ յանգում է ախուր ուժակցիայի և թոյլ չէ տալիս լուրջ դատողութեան և կեդրոնացած ճիշդ. հոգեկան մի այդպիսի դրութիւն կարող է յառաջացնել մի հակահարուած, որ, դժբաղդաբար, ինչպէս ցոյց է տուել մօտիկ անցեալի պատմութիւնը, միշտ անդրադառնում է հայ անմեղ զանգուածների վրայ։

Հայ զեկավար շրջանները լաւ կանէին նկատի ունենալ այդ հանգամանքը և շոյնիակ նեկայ ոգևորիչ բողբէին պահել հոգեկան ու մտաւորական հասարակչութիւնը։ Մի վարկեան պէտք է մտաբերել Ազանան ու կամաւորական շարժումը, և գործելակերպը ուղղել այդ փորձառութեան հիմունքների վրայ։

Լորդ Բրայս խօսեց նաեւ Ամերիկայի Միացեալ Պետութիւնների Եւրոպական պատերազմին մասնակցելուց առաջանալիք հետևանքների մասին։ Ոչ ոք աւելի իրաւասու է խօսելու Ամերիկեան իդէալների և քաղաքական զրդապատճառների մասին քան «The American Commonwealth» դասական երկասիրութեան այս մեծահամբաւ հեղինակը և Վաշինգթոնի նախկին զեպանը։ Նա հաւաստեց որ Ամերիկացի մասնակցութիւնը ներկայ պատերազմին և նրա գերը հաշտութեան ապագայ վեհաժողովում Հայաստանի իրաւունքների վերաբերմամբ կունենայ վճռական ազդեցութիւն։

«Ոչ մի ազգ աւելի անկեղծ և անշահախնդիր բարեկամութիւն ցոյց չէ տուել հայերին, ասաց Լորդ Բրայս, քան Ամերիկեան մեծ հասարակապետութիւնը և Ամերիկայի ժողովուրդը։

ՊԱՐՍՎԱՍՏԱՆ

Թաւրիզ, 28 ապրիլի

Ռուսական մեծ յեղաշրջումը իր անմիջական ազդեցութեան նշաններն է ցոյց տալիս Շահնշահերի երկրում: Պարսիկ փոքրաթիւ մտաւորական երիտասարդութիւնը մասնակից է իր մեծ զբաղումը հրեւոտներին և հաւատում է, որ շնորհիւ ռուսական նոր և ազատ կարգերի՝ Պարսկաստանին հնարաւորութիւն կը տրուի անկաշկանդ առաջդիմելու: Վերոյիշեալ կարծիքին միանում են նաև վաճառականութեան մի մասը, որի համար ներկայ համաշխարհային պատերազմը ամենայաբարձր միջոցն է եղել իր զբաղմանը պարարտացնելու: Այդ դասակարգը նմանում է անողնաշար կենդանիներին, որոնց համար խիստ հեշտ է երբեմն կծկուել, ոլորուել, մերթ դառնալ այս կողմ և մերթ էլ այն կողմ, ի հարկէ նկատի ունենալով իր սեփական շահը...

Թաւրիզը՝ Ատրպատականի հայութեան մշակոյթի կենտրոնը, սկսում է կամաց կամաց կերպարանափոխուել: Ռուսական հին, այլամերձ սեփմը կարողացել էր իր երկաթէ ճիւղներով խեղդել նոյն իսկ իր հարեան երկրում գտնուող հայոց ամեն մի ազատարար և օգտաւէտ շարժումը: Այժմ, երբ արդէն չկան այլևս այդ ճիւղները և խորտակուած է բռնակալութեան արնածու ամբողջը, պարսկահայ ժողովուրդը ևս, բնականաբար, իր սրտագին աջակցութեամբ պիտի միանար բոլոր այն փոքր ազգութիւններին և ազգային հատուածներին, որոնք տարիներով կամ դարերով զգացել են կռուիտ և այլասերող մարակի հարուածների ցաւը: Հայ քաղաքական կուսակցութիւնները, ինչպէս և հասարակական կազմակերպութիւնները իրանց ստորերկրեայ, մութ ներկուղներից դուրս գալով, սկսում են ազատօրէն գործել, իւրաքանչիւրը իր ուժը ներած չափով:

Կուսակցութիւնների և առև զինուորների կողմից լինում են միտինգներ և բանախօսութիւններ, զարգացնելու համար անգիտակ դիմուորներին և ժողովրդին: Ապրիլի 18-ին, այսինքն մայիսի 1-ի տօնի առթիւ քաղաքումս ևս տեղի ունեցաւ մի մեծ և հանդիսաւոր ցոյց առև զինուորների և հայ քաղաքական ու հասարակական կազմակերպութիւնների կողմից. եղան բանախօսութիւններ օրուայ նշանակութեան մասին:

Թաւրիզի կուլտուրական կեանքն ևս զգալի կերպով եռուն է: Տեղիս Կուլտուրական Միութիւնը համարեա ամեն շարաթ կազմակերպում է դասախօսութիւններ հայկական ակումբի դահլիճում: Արմենեանի դերասանական խումբը, որ մէկ և կէս ամիս այստեղ ներկայացումներ էր տալիս, արդէն վերադառնում է Կովկաս:

Տեղս, Ներսէս եպիսկոպոս Մելիք-Թանգեանի պատուաւոր նախագահութեան տակ կազմուած է Վիշապետի հայերին օգնող եղբայրական օգնութեան կոմիտէ, որի նպատակն է ամեն կերպ օգնութիւն հասցնել Վիշապետի անապատներում հիւժուող և սովամահ մեր հարազատներին: Այս կոմիտէի շուրջը հաւաքուած են առանց բացառութեան անաչառ, եռանդուն և հասարակութեան վստահութիւնը վայելող անձնավորութիւններ: Կոմիտէն պատրաստուած է մի արշաւախումբ, որը պէտք է մեկնի մօ-

տիկ ապագայում դէպի Միշապետ. սրան միանում են նաև Սալմաստում գտնուող Քաղաքների Միութեան բժշկա-սանիտարական խմբակը և Հայաստանի վերաշինութեան յանձնաժողովի կողմից մի ներկայացուցիչ, որոնք միասին պիտի գործեն:

Անշուշտ գործը խիստ այժմեական է և ամենակարեւոր, որի համար հարկաւոր է բարոյական, առաւել ևս նիւթական լայն աջակցութիւն, ամեն մի անհատի, նախաձեռնող գաղթ. գործով զբաղուող կազմակերպութիւնների և ընկերութիւնների կողմից:

Ազատ-Վշտունի

ՏԱՃԱՎԱՅԱՍՏԱՆԻ ԿՈՄԻՍԱՐԻԱՏ

Ժամանակակից Կառավարութիւնը օրոշել է Թիւրքիայից գրաւուած հայկական նահանգները չկցել Ա զրկովկասին, այլ առանձին կոմիսարներ նշանակել նրանց համար, որոնք անմիջապէս ենթարկուած են Պետրոգրադի իշխանութեան: Ընդհ. կոմիսարը նշանակուել է Գեն. Ավերեանովը, իսկ օգնականները նշանակուած են Ժ. Զափեանը և Իվանիցկի:

Մատենախօսութիւն

ՔՈՒԶԱԿ ՆԱՀԱՊԵՏԻ ՄԱՍԻՆ

Համալսարան-ի № 13-ի մէջ Ս. Մովսիսեան ստուգորութեամբ նահապետ Քուչակի մասին գրուածքը կարդացի: Ս. Մովսիսեանը կարծես իբրև նորութիւն կը յայտնէ թէ՛ «Քուչակ թիւրքական քիչիւկ բառն է», այս նախադասութիւնը զրկել նոյնութեամբ կը գտնենք Յովհ. Թաղէոսեանի «Քուչակ Նահապետի երգեր» զրբոյկի 7-րդ էջին մէջ, այսպէս, «Քուչակ տառ-կերէն քիչիւկ բառն է»:

Թաղէոսեանի այս կարծիքը իհարկէ ենթադրական է, նոյնը կրնանք ըսել նաև Ս. Մովսիսեանի համար, որ առանց փաստերու, համոզկեկ տուեալներու ընդունուած «Քուչակ» անուանահնչումը «Քուչակ»-ի կը փոխէ, նոր բարդութիւն մըն ալ ստեղծելով այդ անուան շուրջ: Ժողովուրդը այդ անունը—«Քուչակ» բնաւ չի հնչեր, նոյնպէս անծանօթ է անոր «Քուչակ» հնչումը, այլ նա «Չիւլակ» անունը կը հնչէ, որը կը յիշուի Խառակոնի մէջ երգուած և Քուչակին վերադրուած թիւրքերէն իւրաքանչիւր երգի վերջին տանը մէջ «Վանլի Չիւլակ» կամ «Անը Չիւլակ» կոչումով, որ «ծաղիկ» կը նշանակէ, ծաղկեալ, յառաջողէմ, փայլուն իմաստով:

Մեր բանասէրներէն Ա. Զօպանեան, Կ. Կոստանեան, Արիստակէս վրդ. Դէվեանց, Խաչ. Լեոնեան և Յովհ. Թաղէոսեան շատ կարծիքներ յայտնեցին «Քուչակ» անուան ստուգութեան մասին: Բայց ոչ մէկը չի կրցաւ վերջնական եզրակացութեան մը յանգիլ, իսկ Ս. Մովսիսեանը կարծես մէկ նախադասութեամբ (այն ալ ոչ իր սեփական) կուգայ ստուգաբանելու այդ անունը «Քուչակ թիւրքական քիչիւկ բառն է» և կը կարծէ որ այսպիսով այդ

անուան ստուգարանութեան վերջ տուած եղաւ, առանց գիտնալու որ Քուչակ անունը հնչումներու տարբերակներ ալ ունի, այսպէս՝ Քուչակ (ընդունուած և տարածուած) Քոչակ (էջմիածնի № 1640 ձեռագրի մէջ շեռ նուազ Քոչակ որ ասին ի վանք) Զինակ (Մանուէլ Միրախորեանի ձեկարագրական ուղեորութիւնքս եռահատոր դրքին մէջ կը յիշուի Վալը Զինակ մականունանալ բանաստեղծ հայն II հատոր, էջ 130)։

Ասկ Քուչակ անունը ոչ մի տեղ (գրաւոր յիշատակարաններու և կամ ժողովուրդի մէջ) Քիւչակ չի կոչուիր։ Ասոր իբր ապացոյց յիշենք հետեւեալները։ Քառակոնիսի եկեղեցւոյն մօտիկ պապ ու թոռ Քուչակներու ցոյց տրուած գերեզմաններու վրայ կան տապանագրեր (որոնց մանրամասնութիւնը ունիմ ձեռքիս տակ), ասոնց վրայ կը յիշատակուի Քուչակ անունը երկու անգամ։ Քառակոնիսի ս. Թէոդորոս եկեղեցու հին ձեռագիրը Աւետարանի յիշատակարանին մէջ կը յիշատակուի Քուչակ անունը այսպէս. Քուչակ անուն բարեմտական և այլն։ Իսկ երգի մը մէջ թոռ-Քուչակին վերագրուած. կը կարդանք սա տողերը.

Ենա Քուչակս Վանեցի

Էի գիւղէն Քառակոնիսայ և այլն։

Առիթէն օգտուելով կուղէի յայտնել որ մենք 1914 թուէն սկսեալ Քուչակի մասին հաւաքած ունինք բազմաթիւ թուրքերէն երգեր (մօտ 150 տուն), այլև աւանդավէպեր, զրոյցներ (թուով 15), որոնց մէջ կը մտնեն նաև Ս. Մախիսեանի յիշածները (թէն իմս վարիաններ ալ ունի), թոռ-Քուչակին վերագրուած հայերէն երգեր, և այլն, որոնք մենք զրի առած ենք Վասպուրականի գանազան կողմերը. ինչպէս նաև Քառակոնիսի մէջ, նոյն գիւղացի ուստայ Ղազարի և Գէորգ Կարապետեան երգիչ ծերունիներէն։ Իսկ վեց տուն ալ շատ ընտիր սիրային հայերէն քառեակներ (բոլորովին նոր և անտիպ) Քուչակաձև տաղաչափութեամբ և անոր զոցոցումներով սրերեղուած, զրի առած ենք 1914-ի ապրիլին Արմէշի մէջ, կոյր աշուղէ մը, որ այդ երգերը 30 տարի առաջ սորված է եղեր վանեցի աշուղ Գառուրէն, որ յայտններ էր թէ այդ քառեակները Քառակոնիսոցի աշուղ Զիւչակը երգած է։ Մեր այս հաւաքած նիւթերուն միացուցած ենք նաև ամփոփ ուսումնասիրութիւն մը, օգտուելով մինչև այժմ Քուչակի մասին հրատարակուած բոլոր գրքերէն, յօդուածներէն և ժողովրդական զրոյցներէն։ Այդ ուսումնասիրութեանը մէջ մենք ցոյց պիտի տանք թէ Նահապետ Քուչակը թնջան տեղ գրաւած է Վասպուրականի և Ալէի հայ բանահիւսութեանը մէջ և կամ իր երգերը թնջ աստիճանի կապ ու նմանութիւն ունին այս երկիրներու ժողովրդական երգերու հետ։ Այս ուղղութեամբ մենք արդէն կաշխատենք և կը պատրաստուենք մեկնիլ Վան Քուչակի մասին ամեն ինչ տեղն ու տեղը ուսումնասիրելու համար՝ Քառակոնիսի՝ Քուչակի կարծուած հայրենիքի մէջ։

էջմիածին

Հայկ Աճէմեան

Գ Ա Լ Ա Ո

Ելնամկիւ

Սեանայ լճին կից Ելնամկիւն զուտ ուռւ-մալականաբնակ մի գիւղ է, համարեա թէ Մաղկունք գիւղէն 10 վերստ հեռաւորութիւն ունի։ Թուականէն 18—20 տարի առաջ մալականները քրդական բէգերի նման ձեռք կը ձգեն սոյն գիւղի վարելահողերը և կը գրաւեն. գիւղացութիւնը 3 անձէ մի յարմին կը նըշանակէ որպէս զի բողոքէ այդ մասին պատկանեալ իշխանութեան, իսկ մալականները դնելու Մարկովի ժամանակ, 1500 ա. կաշառք աւելով, խեղճ հողագործ ժողովուրդը կը զրկեն 266 դեսեալին հողից։ Դիմումները կը մնան ձայն բարբառոյ յանապատի։ Նոյն օրից սկսեալ, հողագրկուած գիւղացին կը մատնուի թշուառութեան և խեղճութեան, իսկ այժմ յոյսը գրած է մայիս 26-ի Երևանի համագումարին՝ ուղարկելով պատգամաւորներ։ Տեսնենք արդիւնքը ինչ կը լինի։

Մաղկունք

Մ. ԲԱՐՍԵՂՅԱՆ

Գետաշէն, 26 մայիսի

Ամսոյս 24 ին տեղս սարսափելի կարկուտ տեղաց և միաժամանակ հեղեղը յորդացած վազել սկսեց։ Տարաբազ գիւղացութիւնը, որու տնտեսական անասելի բայցայումը համաշխարհային պատերազմի առթիւ զինք տարիս փաթաթեք է սովի անձուկ օգակների մէջ՝ իսպառ յուսահատուեցաւ։ Կարկուտը բանդեց, քայքայեց իւր բերքի մեծ մասը, որը այնքան դժուարութեամբ էր աշխատած ու արդիւնաւորած։

Ապրանքատէրերը ևս առաւել իրենց արհեստական թանգութեամբ կաշխատեն աւելի հարստանալու անյոյս գիւղացութեանը։

Ալիւրին պուղը այսօր տեղս 7—8 ա. կը գնուի, շաքար չի հարուիր երբէք, բրինձ ֆունտը՝ 40—45 կ. է, լալինը՝ 2 ա. 50 կ. է, մսինը՝ 80-90 կ. է։

Աւազակային կողոպուտն ու ուճաղործութիւնները չըջանիս մէջ հասարակ գործեր են գարձեր, գիւղացութիւնը չունի ինքնապաշտպանութեան միջոցներ։

Շրջանիս գաղթականութիւնը տիրող անտանելի պայմաններու մէջ աւելի խեղճացած ու ճնշուած է, աջակցող չունի. ստիպուած է զիմել մուրացկանութեան, որը նոյնքան ցաւալի է և անօգուտ։

Գաղթ. գալ. ուսուցիչ՝ Վահան Մկրտչեան

Տարեգիր Կ. Հ. Բ. ԸՆԿ.

Կ. Հ. Բ. Ընկ. Խորհուրդը շնորհակալութեամբ ստացել է.—

—պ. Կարապետ Երիւնդանից «Երիւնդան» գրադարանի օգտին 150 ա.։

—պ. Համբարձում Մանուսանեանից յօգուտ որբերի 2 ա.։

ՀԱՅԿ. ԿԵՆՏ. ԿՈՄԻՏԷ

- 1) Շնորհակալութեամբ ստացանք յօգուտ Հայկ. Կենտր. Կոմիտէի 5000 ա. Մանչեսթրից պ. Մանուկեանի միջոցով:
- 2) Տրապիզոնից հայր Մելեանցը հեռագրում է, որ Օրգովից այնտեղ են հասել 11 նոր փախստականներ, նրանցից մէկը օրիորդ է Հրանուշ Խանդեան անունով:
- 3) Փախստականների գործով զբաղուող Դործագիր Կոմիտէն առանձին գրութեամբ գիմել է Կոմիտէին, որ յետ այսու փախստականական գործերի համար պէտք է գիմել նոր հիմնադրված Կոմիտէին փախստականական Խորհրդին: որը գործում է Անդրկովկասեան Առանձին Կոմիտէի անօրինութեամբ:
- 4) Տիկ. Վ. Հախվերդեանից յօգուտ նախկին Ասորիստանի որբանոցի շնորհակալութեամբ ստացանք ի յիշատակ վաղամեռականաւոր բանաստեղծ Ալ. Մատուրեանի պսակի (փոխարէն 100 ուրիլ):

ՊԱՐԵՆԱԿՈՐԾԱՆ ԲԱԺԱՆՄՈՒՆՔ ՊԵՏ. ՄԻՋՈՑՆԵՐՈՎ

Մայիսի 17-ից մինչև յունիսի 7-ը ալիւր ուղարկուած է Հարաքիլիսա 4 վ., Իզդիր՝ 8, Վաղարշապատ՝ 7, Աշտարակ՝ 4, Դուրգուզուլի՝ 4, Դամաուլու՝ 4, Ալեքսանդրապոլ՝ 7, Սարիղամիշ՝ 20, Գանձակ՝ 3, Հարս՝ 2, Աղստաֆա՝ 4 և Ախալցխայի որբանոցի համար՝ 500 պ., ընդամենը 67 վ. և 500 պ.:
 Սապոն ուղարկուած է Քարվանսարա 80 պ., Հարաքիլիսա՝ 80 և Դամաուլու 100, ընդամենը 260 պ.:
 Շարար ուղարկուած է Գանձակ 280 պ.:
 Բրինձ ուղարկուած է Հարաքիլիսա 460 պ.:

Քրոնիկոն

Օգոստոս 20-ին Քիֆիսում պիտի գումարուի առևտրային համագումարը. ընտրութիւնները պիտի կատարուեն յուլիսի 23-ին: Իւրաքանչիւր 20 ասրեկան առևտրային առանց սեռի և դասանանքի խտրութեան իրաւունք ունի ընտրելու և ընտրուելու: Ընտրութիւնները պիտի կատարուեն ընդհանուր, հաւասար, ուղղակի և գաղտնի քուէարկութեամբ: 10,000 հոգին պէտք է առայ մէկ պատգամաւոր համագումարի համար: Քուէարկութեան պիտի մասնակցեն 1,924,300 առևտրային, որոնք պիտի ընտրեն 185 պատգամաւոր:

— Լոնդոնում յօգուտ հայ փախստականների կատարուող հանգանակութիւնը ցայժմ առել է 161,100 անգլիական ոսկի (1,400,000 ա.):

— Ստացանք 1) «Տեղեկագիր և գրամական հաշիւ Բագուի Հայ Դադթականական Կոմիտէի»: 2) «Հաշուեկէիւ ա. էջմիածնի եղբայրական Օգնութեան յանձնաժողովին»: 3) «Ռուս բիւրօկրատիան և հայերը», Եղիշէ Ա. ք. Գեղամեանի. գինը՝ 50 կ.:

Համաշխարհային պատերազմը

Ռուսաց Արեւմտեան նահատուր ապակեան գրութիւնը հանդարտ է, առևտրական գորարանակների մեծ մասը տարուած է քաղաքական ինդիւրներով, իսկ թշնամին օգտուելով այդ բանից՝ իր զօրքերն ուղարկում է արեւմտեան նահատուր:

Փրանս. Անգլիական նահատուր կոիւնները կատաղի բնոյթ են ստացել: Չնայելով որ թշնամին կրկնակի կերպով ուժեղացած է, բայց Բրիտանական զօրքերը հաստատուն քայլերով առաջ են գնում: Արրասի շրջանում մայիսի 29 ի խոշոր յաղթութիւնից յետոյ, անգլիացիները ընդարձակեցին իրենց ուղղամահատը: Մեսսինայի նահատուր նրանք վերցրին 211 գերի: Փրանսիացիները Մոմմի վրայ ցոյց տուած իրենց քաջարի սովորութիւնից յետոյ, պատրաստուած են նոր գրոհների:

Իտալական նահատուր կոիւնները եռանդուն բնոյթ են բուսացել: Ասորիացիները առևտրական նահատից իտալական նահատը փոխադրեցին 90 դուստրակ հետեւագորք և 600 թնդանօթ: Շուտով անգի են ունենալու վճռական նահատամարտներ:

ՆԱՄԱԿ ԽՄԲԱԳՐՈՒԹԵԱՆ

Ժողովրդաւ (Ախալցխայի գաւ.), 1 յունիսի

Մուգրուտ գիւղի աղբիւրի ջուրը վարակուած է չրանցքի պատճառաւ, որը հասարակ մի առու է, վրան հողով ծածկած և ենթակայ այլ և այլ աղանդութիւններ ընդունելու:

Հանադան հիւանդութիւնների պատճառը բժիշկները վերադրում են ջրին և միանգամայն փաստարկ համարում այդ ջրից խմելը: Իսկ ամբողջ գիւղի բնակչութիւնը օգտուած է միմիայն այդ աղբիւրից, չունենալով այլ աղբիւր: Աղբիւրի վերանորոգումը պահանջում է 7000 ա. ծախս, որ գիւղացու ոյժերից միանգամայն վեր է: Նորոգութեան համար ընտրուած մասնաժողովը գիմում է այլ և այլ հիմնարկութիւններին և բարեգործ անձանց և խնդրում, որ շուտափոյթ օգնութեան հասնեն, առանց այդ էլ յուսահատութեան հասած Մուգրուտի գիւղացութեան:

Բուժեցէ՛ք ձեր լուծայով գիւղացու ցանրը:

Հասցէ՝ Ахалцыхъ, Благотворительное Общество, Хачатуру Телмишяну, յանձնել Մուգրուտի մասնաժողովի նախագահ՝ Նղ. ԲՇՅ. Տէր. Յակովքեանցին:

Տ Ե Ղ Ե Կ Ա Տ Ո Ւ

Բերկրու կողմից Գառիկ գիւղացի Արշակ Մարկոսեան Տէր-Մատթէոսեանին, Մամբրէ Տէրաւրեանին, Գէորգ Զմոյեանին, նազար Փոխանեանին և Յարութիւն Սաֆոյեանին փնտաում է Սօնէ Գիւրջեանը Բարվանտարայում:

Հարցնել Արառ-Արաղսկայա պոլիտագ, № 7, Կ. Հ. Բարեգ. Ընկերութեան կից Գործնաւորման Բաժանմունքում Ալեքսանդր Ա. չայեանին:

Խմբագիր՝ ՍԱՄՍԱՆ ԵՄԵՐՈՒԹԵՐԵԱՆ

Հրատ. Կ. Հ. Բ. ԸՆԿԵՐՈՒԹԵՐԵԱՆ

Тип. «СЛОВО» Гимназическая ул. № 1

